

ԲՆԱԿԵԼԻ ԿԱՌՈՒՅՑՆԵՐԻ ՇԱՐՎԱԾՔՆԵՐԻ ՏԻՊԵՐԸ
ՀԻՆ ԱՐՏԱՇԱՏՈՒՄ
(ղասակարգման փուլը)

1970 թվականից ՀՍՍՀ ԳԱ Հնագիտության և ազգագրության ինստիտուտը Արտաշատում կատարում է պեղումներ, որոնք կարևոր նշանակություն ունեն անտիկ Հայաստանի նյութական մշակույթի ուսումնասիրության համար: Այդ պեղումների շնորհիվ հայտնաբերվել են քաղաքի պաշտպանական համակարգի, զորանոցների, տնտեսական շենքերի, բնակելի տների, կոմունալ տեխնիկայի կառույցների և տարբեր տեսակի արհեստանոցների շինարարական մնացորդներ:

Արտաշատը, ինչպես հայտնի է, հիմնադրվել է մ. թ. ա. 180—170-ական թթ. 2 և մոտ 500 տարի շարունակ եղել է Հայաստանի մայրաքաղաքը: Այն տեղադրված է 12 մետր փոքր բլուրների և դրանց կից հարթավայրի վրա: Կենտրոնական թաղամասերը կազմող, առաջինից մինչև տասներորդ բլուրների համակարգի միջուկը ամենաբարձր երկրորդ բլուրն է, որի վրա, ըստ երեւոյթի, եղել են պալատական և պաշտամունքային շինություններ: Սրան հյուսիսից հարում է 11 բլուրը, որի վրա բացվել են զորանոցների, զենքի պատրաստման արհեստանոցների և բնակելի տների հետքեր: II բլրից հարավ գտնվող VI և VII բլուրները նույնպես խոշոր և լավ պաշտպանված թաղամասեր են եղել: Վերջիններիս և III բլրի միջև գտնվող III և IV բլրակների վրա կառուցված էին պարիսպներով ամրացված անցուղիներ, որոնց օգնությամբ կապ էր հաստատվում թաղամասերի միջև: Մնացած բլուրները (X, V, VIII, IX, X) կառուցապատված են եղել բնակելի շենքերով և արհեստանոցներով:

1 Б. Н. Аракелян, Арташат I. Основные результаты раскопок 1970—1977 гг. («Археологические раскопки в Армении», 1982, № 16). Ժ. Դ. Խաչատրյան, Արտաշատ II, Անտիկ դամբարանադաշտեր. 1971—77 թթ. պեղումները («Հնագիտական պեղումները Հայաստանում», 1981, № 17):

2 Б. Н. Аракелян, *ibid.*, էջ 9:

3 Ж. Д. Хачатрян, А. В. Тоникян, Некоторые вопросы градостроительства античного Арташата («Четвертый международный симпозиум по армянскому искусству» (тезисы докладов), Ереван, 1985, с. 286—288).

Այս հուշարձանի ուսումնասիրման բարդությունը առաջացել է այն պատճառով, որ նոր կառույցների հիմքերը տեղադրված հարթեցվել են նախորդ շինարարական շրջանին վերաբերող ավերված կառույցների մնացորդները, որի հետևանքով էլ մշակութային շերտերի և շինարարական շրջանների հաջորդականությունը հստակ չէ: Շինությունների ավերումը միաժամանակ չէր կատարվում: Այդ հանգամանքը համապատասխան ձևով անդրադարձել է պեղումների ընթացքում բացվող շինարարական հորիզոնների քանակի և շերտագրության վրա: Այսպես, օրինակ, I բլրի պեղումները հայտնաբերել են հիմնականում երկու, իսկ VII—VIII-ը՝ չորս շինարարական շրջաններ, սակայն մինչև այժմ չի կատարվել շինարարական մնացորդների բավականաչափ մանրամասն և ամբողջական վերլուծություն: Դա էապես իշխեցնում է այդ կարևոր հնագիտական աղբյուրի ինֆորմատիվության աստիճանը: Նույնը կարելի է ասել Անդրկովկասի՝ վերջին տասնամյակների ընթացքում պեղված, անտիկ դարաշրջանին վերաբերող բոլոր հուշարձանների մասին: Բացառություն են կազմում միայն բարձր որակով մշակված քարերից կատարված կլասիկ տիպի շարվածքները (օրինակ՝ Գառնիի տաճարի պատերի, Վանիի և Մցխեթի որոշ բարձրորակ շարվածքներ և այլն): Շինարարական մնացորդների ուսումնասիրությունն ու վերլուծությունը, պատերի շարվածքների դասակարգումը և ունիֆիկացիան, թույլ են տալիս բացահայտել տեղական ճարտարապետության և շինարարության առանձնահատկությունները, ավելի վստահ և հիմնավորված կատարել կառույցների ծավալատարածական և հատակագծային վերա-

4 Ժ. Դ. Խաչատրյան, Արտաշատի VII բլրի՝ 1973—1975 թթ. պեղումների արդյունքները (ՀՍՍՀ ԳԱ «Լրաբեր հասարակական գիտություններ», 1978, № 8, էջ 56):

5 Ժ. Դ. Խաչատրյան, Ա. Գ. Կանեցյան, Արտաշատի VIII բլրի շերտագրությունը (ՀՍՍՀ ԳԱ «Լրաբեր հասարակական գիտություններ», 1974, № 9, էջ 76—91), Ժ. Դ. Խաչատրյան, «Արտաշատի VII բլրի՝ 1973—1975 թթ. պեղումների արդյունքները», էջ 56:

կազմությունները, օգնում են մշակել հուշարձանների շերտագրությունները և թվագրումները և, վերջապես, հնարավորություն են տալիս ավելի խորը ուսումնասիրել շինարարական տեխնիկայի պատմության հարցերը:

Շինարարական նյութի վատ, հաճախակի անմշակ օգտագործման և զգալի քանակությամբ շերտերի առկայության պատճառով Արտաշատի հնագիտական կառույցների շարվածքները շատ դժվար են ենթարկվում նկարագրության և հըստակ գրաֆիկական հաստատագրման: Պատերի շարվածքների տերմինաբանության հարցին անդրադարձել են մի շարք հետազոտողներ⁶, սակայն նրանց առաջարկած մեթոդները լիարժեք չեն: Մենք օգտագործել ենք շարվածքների նկարագրման և դասակարգման Հյուսիս-սեծովյան հուշարձաններում կիրառվող մեթոդիկան⁷, որի հիմքում ընկած է ժամանակակից աղյուսե շարվածքների համար ընդունված դասակարգման սկզբունքները: Այն բաղկացած է հետևյալ հիմնական կետերից՝ ա) շարվածքի ուղղաձիգ լայնական հատման բնութագիր (միաշերտ, երկշերտ, եռաշերտ և այլն), բ) շարվածքի սիստեմի բնութագիր (կանոնավոր, անկանոն, պոլիգոնալ շարքային և այլն), գ) օգտագործված նյութի բնութագիր (ձեղ, մշակման եղանակը, միջին չափերը), գ) շարվածքի տեխնիկայի բնութագրումը (շարքերի չափերը, կապակցման եղանակը, կարերի մշակման աստիճանը և այլն)⁸: Անհրաժեշտ է նշել, որ վերոհիշյալ մեթոդիկան հնարավորություն տվեց որոշել Արտաշատի, հատկապես նրա VIII բլրի, շինարարական մնացորդների (որոնք վերաբերում են մ. թ. ա. II դ. սկզբից մինչև մ. թ. IV դ. 60-ական թվականները և բաժանվում են շորս շինարարական շրջանների⁹ 1) մ. թ. ա. 180 թ.—մ. թ. 59 թ., 2) մ. թ. 60—160 թթ., 3) մ. թ. II դ. վերջ, III դ. սկիզբ—IV դ. 30-ական թթ., 4) մ. թ. IV դ. 30—60 թթ.)

⁶ R. L. Scranton, Greek Walls, Cambridge, 1941, p. 23; A. K. Orlanos, Les materiaux de construction et la technique architecturale des anciens Grecs, Paris, 1968, part II, p. 127—160.

⁷ С. Д. Крыжицкий, Жилые ансамбли древней Олвин IV—II вв. до н. э., Киев, 1971, с. 114; его же, О принципах классификации античных кладок Северного Причерноморья («Краткие сообщения Института археологии», № 168, М., 1981, с. 35—41).

⁸ С. Д. Крыжицкий, О принципах классификации..., с. 39.

⁹ Ժ. Գ. Խաչատրյան, Ա. Գ. Կանեցյան, Նշվ. աշխ., էջ 91:


յուրաքանչյուր շրջանին բնորոշ շարվածքների տիպերը, որով և ստացված է ամբողջական և հստակ դասակարգման սխեմա:

Այսօրվա դրությամբ Արտաշատում պատի կոնստրուկցիաների եթե ոչ ամբողջ, ապա գերակշռող մասը կազմում են հում աղյուսե կամ կավաշեն պատերը՝ քարե հիմքի կամ հիմնախարսի վրա: Հնագիտական աշխատանքները ցույց են տվել, որ Հայաստանի առանձին վայրերում, հիմնականում դաշտային շրջաններում, լայնորեն կիրառվել է հում աղյուսը¹⁰: Աղյուսե պատերը պահպանվել են միայն առանձին հատվածներում, ուստի, նրանց տիպերը առայժմ հընարավոր չէ լիարժեք ներկայացնել: Աշխատանքը հիմնականում վերաբերում է քարե հիմքերի և հիմնախարսի տիպերի կոնստրուկտիվ համակարգերի ուսումնասիրմանը: Քարե հիմքերը պահպանում էին հում աղյուսե պատերը վնասվելուց հետո:

Քարե շարվածքների զարգացման ընթացքը հետադոտելու համար առավել հարմար է VIII բլրի հարավային հատվածը, որտեղ տեղանքի փոքր թեքության և մշակութային շերտի հորիզոնական շերտերի (տեղ-տեղ 3—3,5 մ և ավելի) շարվածքները համեմատաբար լավ են պահպանվել: Այն հյուսիս-հարավ առանցքով սահմանափակված է 12—20, իսկ արևելք-արևմուտք առանցքով՝ i—N կոորդինատներով¹¹: Այս հատվածում առավել վաղ ժամանակաշրջանի շինությունների թվին են պատկանում № 223, 225, 233, 304, 308, 327, 343 շարվածքները: Լավ պահպանված օրինակ կարելի է համարել № 343 շարվածքը, որը բնագնդի տան արտաքին կողմ պատն է: Այն եռաշերտ է, երկհասկատանի շարվածքով, կազմված է միջին չափերի կոպիտ ճեղքված տեղական քարերից, որոնք տեղադրված են տոփանված գետնի վրա: Պատի վերին մասը հում աղյուսից է, միաշարք համակարգով, որի ամեն հաջորդ շարքն ուղղաձիգ կարերի տեղաշարժ ունի՝ աղյուսի կես լայնության չափով (0,2 մ): Շարքերի բարձրությունը 0,15 մ է, իսկ կարերի հաստությունը՝ 2—3 սմ: Այս տեղամասի շինարարական շերտի մյուս շարվածքները ևս կատարված են նույն տեխնիկայով, թեև որոշ տեղերում դրանց համար հիմք են ծառայում խրեամքով մշակված և հարթեցված ժայռեր:

¹⁰ О. Х. Халпахчян, Строительная культура Армянского нагорья с древнейших времен по VII в. до н. э. («Архитектурное наследие», № 31, 1983, с. 114).

¹¹ Տրված է ըստ արշավախմբի դաշտային փաստաթղթերի կոորդինատների ցանցի:



1. Շարվածք № 334, 2. Շարվածք № 223 (հատված), 3. Շարվածք № 191,
4. I բլրի շարվածք, 5. Շարվածք № 263:

(№ 223 շարվածքը): Մեծ հետաքրքրություն է ներկայացնում № 327 շարվածքը, որն ըստ երեւոյթի, նկուղային կամ կիսանկուղային սենյակ է եղել: Հյուսիսային պատը, որը պահպանվել է մոտ 2 մ բարձրությամբ, ունի աստիճանաձև կառուցվածք, դրա ներքևի մասի լայնությունը ավելացվել է մոտ 0,2 մ: Ինչպես արդեն ասվեց, այդ պատերի շարվածքները վերաբերում են այս հատվածի ամենավաղ շինությունը, որը կառուցվել է քաղաքի հիմնադրման հետ դրեթե միաժամանակ և հիմնովին ավերվել, ըստ երևույթի, մ. թ. ա. I դարի կեսերին: Այդ մասին են վկայում № 344, 311, 328, 329, 305, 309, 317, 345 և մյուս շարվածքները, որոնք, դտնվելով առաջին շինարարական շրջանում¹², կաղմում են մի բնակելի հա-

տալիւր եւ, որն իր հատակագծով հիմնականում կրկնում է նախորդին: Որոշ հատվածներում ներկայումս է պատերի տեղաշարժ նախորդ շերտի համեմատ: Համալիրը հյուսիսից (№ 223) և հարավից (№ 343) սահմանափակող պատերը հավանաբար պահպանվել կամ վերակառուցվել են նույն տեղում: Առաջին շինարարական շրջանում՝ մ. թ. ա. առաջին դարի կեսերին, հիմնական վերակառուցում է նկատվել I բլրի ռդ տարածքով մեկ¹³. Հայտնաբերվել են վերակառուցման առանձին հետքեր և VIII բլրի հյուսիսային հատվածներում¹⁴, որտեղ դրանց ծավալի մասին

¹² ժ. Գ. Խաչատրյան, Ա. Գ. Կանեցյան, Նշվ. հոգվ., էջ 91:

¹³ ժ. Գ. Խաչատրյան, Արտաշատի VII բլրի 1973—1975 թթ..., էջ 56:

¹⁴ ժ. Գ. Խաչատրյան, Ա. Գ. Կանեցյան, Նշվ. հոգվ., էջ 77 (հատակագիծ):

վերջնական պատասխան կտան հետագա պեղումները: Այսպիսով, չի բացառվում, որ I և VIII բլուրներում առկա է համաժամանակյա շինարարական շրջան (մ. թ. ա. I դարի կես—մ. թ. 50 թ.), որը կարող է վերաբերել նաև ամբողջ քաղաքին:

Վերակառուցված համալիրի շինարարական մեծացորդներից աչքի է ընկնում № 344 շարվածքը, որը լավ պահպանված և բնորոշ օրինակներից մեկն է: Պատի քարե հիմքը երկշարք է, եռաշերտ, երկճակատանի, շարված՝ տեղական կոպիտ ճեղքված մոխրագույն մարմարից, կավի շաղախով: Տոփանված հողին տեղադրված շարվածքի առաջին շարքի ճակատային մասի քարերի միջին չափերն են. լայնությունը՝ 0,2—0,25 մ, բարձրությունը՝ 0,15—0,18 մ: Հաջորդ շարքը 4—5 սմ հաստությամբ ունեցող սալերից է, որոնք հիմք են ծառայում աղյուսե պատի համար: Այս հատվածում պահպանվել են շոքա շարք աղյուս և մուտքի բացվածքի հետքեր: Աղյուսե պատի սիստեմը նույնն է, ինչ և նախորդ շերտում: Սենյակի վերանորոգման հետևանք հանդիսացող № 317, 342, 313, 314 շարվածքների կոնստրուկտիվ համակարգերը նույնպես բացառությամբ չեն կազմում: Հստ երևույթին, նորոգումը կատարվել է միայն այս սենյակում, քանի որ նման հետքեր VIII բլրի պեղված մյուս մասերում դեռևս չեն հայտնաբերվել:

I բլրի երկու շինարարական շրջանների հատակագծային լուծման հստակությունն ու միասնությունը, պատերի շարվածքների խնամքով կատարումն ու բարձր որակը, օգտագործվող քարերի չափերի միատարրությունը բացատրվում են նրա պաշտպանական նշանակությամբ. կառույցները զբաղեցնային տիպի էին՝ հարմարեցված կայազորի պահանջներին: Ընտրված հատակագծային համակարգը տվյալ տեղանքի պայմաններում այն աստիճան ռացիոնալ և ներդաշնակ է լուծվել, որ ավերվելուց հետո վերականգնվել է ճիշտ նույն ուղղագծով, չնչին շեղումներով: Երկու շինարարական փուլերից պահպանված պատերը շարված են միաշարք, եռաշերտ, երկճակատանի համակարգով, կոպիտ ճեղքված տեղական մոխրագույն մարմարի միջին չափերի բլոկներով: Բլրի հյուսիս-արևելյան լանջի թեքություն վրա պահպանվել են մինչև 2—2,6 մ բարձրությամբ շարվածքներ: Դրանք կիսանկուղային կամ նկուղային սենյակների պատերի մնացորդներ են: Պատերի հաստությունը տատանվում է 0,9—1,1 մ սահմաններում, վերևի մասերը, ըստ երևույթին, շարված են եղել հում աղյուսից, որի բեկորները հայտնաբերվել են պեղումների ընթացքում: Առաջին շինարարական փուլի շարվածքներն աչքի են ընկնում կատարման ավելի բարձր որակով:

1984 թ. պեղումների ժամանակ բլուրների ար-

տաքին պաշտպանական հողաթմբի հատվածներից մեկի վրա հայտնաբերվեցին շարվածքներ, որոնք մեծ հետաքրքրություն են ներկայացնում: Դրանց հիմնախարսխային մասը շարված է տուֆե և կերպարե կիսակլոր որմնասյուների մեկ շարք բլոկներից՝ երկու զուգահեռ շարքերով, որոնց միջև լցված են մանր քարեր և կավի շաղախ: Շարվածքների լայնությունը տատանվում է 1,5—1,8 մ, բլոկների տրամագիծը՝ 0,9—1,2 մ, հաստությունը՝ 0,3—0,6 մ: Նույնպիսի բլոկներով շարվածքներ (այլ տեսակի կոնստրուկտիվ լուծումով) հայտնաբերվել են պարսպների երկնորդ պաշտպանական շարքում: II բլրի հյուսիսային լանջի վրա: Այստեղ կիսակլոր բլոկները տեղադրված են պարսպի արտաքին ճակատային մասում, խոշոր չափերի կոպիտ ճեղքված քարերից շարված հիմնախարսխի վերին շարքում՝ հիմք ծառայելով հում աղյուսե պատի համար: Եզրային կլոր աշտարակի անկյունում տեղադրված երկու կրաքարե բլոկների ($\varnothing=1,1$ մ, $h=0,3$ մ) արտաքին մակերեսներն ունեն նուրբ մշակում (ըստ երևույթին՝ կտրիչով, հնարավոր է նաև սանր տարազի օգտագործում): Բլոկների եզրերն ունեն 1—1,5 սմ լայնությամբ ուռուտեր:

Նախորդ շինարարական շրջանների կառույցների ճարտարապետական մանրամասների օգտագործումը հաջորդ շրջանների կառույցների պատերի շարվածքների մեջ շատ ընդունված երևույթ է ինչպես Արտաշատում, այնպես էլ այլ հուշարձաններում՝ օրինակ. Պանտիկապեյի մ.թ.ա. III դ. 540—586 պատերի շարվածքներում օգտագործված են մ. թ. ա. III դ. շինությունների սյուների թմբուկները¹⁵:

Երկրորդ շինարարական շրջանի շարվածքները, որոնք հայտնաբերվել են VIII բլրի համարյա ողջ պեղված սարածքով, բավական լավ են պահպանվել: I թ. I դարի շարվածքները հիմնականում միաշարք, եռաշերտ, երկճակատանի համակարգ են՝ կոպիտ ճեղքված քարերից, կավի շաղախի օգտագործմամբ, պատերի հաստությունը տատանվում է 0,8—1,0 մ սահմաններում: Ամենաբնորոշ օրինակներից են № 221, 222, 259, 281, 318, 319, 320, 340 և այլ շարվածքները: Որոշ դեպքերում, ինչպես օրինակ № 318, 319, 359 շարվածքներում, վերին շարքը կազմված է մանր քարերից և սալերից¹⁶, որոնք հիմք են ծառայում

¹⁵ И. Д. Марченко, Раскопки Пантикапея в 1965—1972 годах, рис. 12, с. 22 («Сообщения Государственного музея изобразительных искусств им. А. С. Пушкина», вып. седьмой. Культура и искусство Боспора, М., 1984).

¹⁶ Այս հնարքը գալիս է դեռևս I շինարարական շրջանից, որտեղ այն ավելի լայն և հիմնավոր կիրառում ունեցի:

կալվաշեն պատի համար, դրանց մնացորդները շատ տեղերում պահպանվել են: Կալվաշեն պատերի օգտագործման ավանդույթը հանդիպում է դեռ վաղ շրջաններում: Ի տարբերություն առաջին շինարարական շրջանի, որտեղ հիմնականում օգտագործվում էին հում աղյուսե պատեր, այստեղ պատերը ծեփված էին կավե զանգվածից՝ կաղապարի օգնությամբ: Պատերի արտաքին և ներքին մակերեսները ծածկվում էին 1—2 սմ կավե սվաղով: Հաճախ սվաղը ներկվում էր տարբեր գույներով և մշակվում գունազարդ նախշերով:

Երկրորդ շինարարական շրջանի ամենահետաքրքիր օրինակներից է № 222 շարվածքը: Այն միաշարք, եռաշերտ, երկնակատանի շարվածք է՝ կոպիտ ճեղքված քարերից, կավե շաղախի օգտագործմամբ: Քարերի միջև հանդիպող խոշոր ռացվածքները տեղ-տեղ լրացված են մանր քարերով: Պատի երկարությունը կազմում է 40 մ, լայնությունը՝ 0,85—1,0 մ (տարբեր հատվածների անհավասարաչափ նստվածքների պատճառով հորիզոնական շարքերը ավելի քան տեսք են բնորոշում): Դա հենապատ է, որին ամրոցը երկարության վրա ոչ մի պատ չի հատվում: Այն ամրացված է հակասեյսմիկ գոտիով՝ բաղկացած երկու շարք գերաններից, որոնք իրար հետ կապված են կարճ գերաններով: Նման օրինակ հայտնաբերվել է նաև II բլրի հյուսիսային լանջին: Արտաշատի բլուրների մեծ թեքություն ունեցող լանջերի վրա այս շինարարական հնարքը պետք է որ գտներ լայն կիրառություն: Գերանների օգտագործումը քարե պատի կոնստրուկցիան ամրացնելու, դրան ճկունություն հաղորդելու նպատակով կիրառվել է նաև Վրաստանում (Ցիխիա-գորա)¹⁷: Վիտրովիտսը մանրամասն նկարագրում է այս կոնստրուկցիան իր աշխատության մեջ¹⁸, Հայաստանում այս հնարքն օգտագործվել է նաև միջնադարում¹⁹:

Առանձին շարվածքներում հանդիպում են քիվերի, կղմիդրների, կրաքարե խարխուլների և բարձր որակով մշակված կվազերի բեկորներ. օրինակ՝ № 293 շարվածքի մեջ, որը պահպանվել է 1,5 մ բարձրությամբ: Հինգերորդ և վեցերորդ շարքերը շարված են երկրորդ օգտագործ-

մամբ գիպսե քիվերի մասերից, որոնք զանազան պրոֆիլներ ունեն:

Երրորդ շինարարական շրջանի պատերը կըրկնում են մ. թ. I—II դդ. պատերի ուրվագծերը: Այդ շրջանում ճարտարապետական համալիրների վերականգնման և հատակագծերի վերափոխման հետ կապված Արտաշատում կատարվել են մեծ ծավալի աշխատանքներ: Բնորոշ շարվածքների տիպերին են պատկանում երկշարք, հաշորդաբար հերթազալվող 0,2—0,3 մ լսիների կոպիտ ճեղքված բլուկներով շարքերը 2—3 սմ հաստությամբ ունեցող սալերի շարքերի հետ: Ուղղաձիգ հատման մեջ բոլոր շարվածքները եռաշերտ են և երկնակատանի (№ 265, 307, 310, 322, 323 և այլն): Մեծ հետաքրքրություն են ներկայացնում «եղենաձև» շարվածքները: № 283, 285 շարվածքներում սալերից բաղկացած վերին շերտի տակ պահպանվել են երկու, միջին լսիի քարերից եղենաձև շարված շարքեր: Այս պատերը եռաշերտ, երկնակատանի, կարերի կոպիտ մշակմամբ համակարգեր են: Նույնպիսի օրինակ կարելի է համարել № 254 շարվածքը: Շեղենաձև շարվածքները հետագայում տարածում են ստանում վաղ միջնադարյան հուշարձաններում՝ օրինակ. Շամիրամ²⁰:

VIII բլրի պեղավայրի արևելյան հատվածում հայտնաբերվել են տեռասաձև երկու կիսանկուղային սենյակներ, որոնց հյուսիսային և արևելյան պատերի շարվածքները՝ № 191, 192 և այլն, նույնպես «եղենաձև» են: Ուղղաձիգ հատման մեջ դրանք երկշերտ և միաճակատ են, քանի որ մասամբ խորացված են մայր գետինի մեջ: Քարերի միջին լսիներն են՝ (0,15—0,17) — (0,2—0,25) մ: Որոշ հատվածներում պահպանվել է 5—6 շարք, ընդհանուր բարձրությունը՝ 1,5—1,6 մ: Այս սենյակներից մի փոքր զեպի հարավ պեղվել է ևս մի կիսանկուղային սենյակ, որի հյուսիսային (№ 370) և արևելյան պատերը տաշված են ժայռի մեջ մոտ 2,0—3,0 մ բարձրությամբ: Այդ տաշված ժայռը ուղղելու և կարգի բերելու նպատակով այն երեսպատվել է զանազան լսիների կոպիտ ճեղքված քարերի անկանոն, տեղ-տեղ միաշարք, միաշերտ, միաճակատ շարվածքով:

Վերջին՝ չորրորդ շինարարական շրջանում կառուցապատման մակերեսը խիստ կրճատվում է, քաղաքն իր նշանակությունը կորցնում է, բնակչության քանակը պակասում, որի պատճառով

¹⁷ Г. Ц к и т и ш в и л и, Результаты работ на Цихна-гора [«Полевые археологические исследования в 1974 г.» (краткие сообщения), Тбилиси, 1976, с. 60—61].

¹⁸ В и т р у в и й, Десять книг об архитектуре, М., 1936, I гл., 5, § 3, с. 32.

¹⁹ Н. М. Токарский, Архитектура Армении IV—XIV вв., Ереван, 1961, с. 174.

²⁰ Հ. Ա. Օհանյան, Շամիրամի անտիկ ժամանակաշրջանի բնակավայրերի պեղումները [Հայկական ՍՍՀ-ում 1983—1984 թթ. դաշտային հնագիտական աշխատանքների արդյունքներին նվիրված գիտական նստաշրջան (Ջեղուցումների թեզիսներ), Երևան, 1985, էջ 40]։

փաստորեն դադարում է նոր շենքերի կառուցումը, վերանորոգվում և օգտագործվում է եղած կառույցների մի մասը: Այս շրջանի պատերի որակը շատ ցածր է, հիմնականում կառուցվում են կավաշեն պատեր նախորդ շրջանների շինարարական մնացորդների վրա: Պատերի մակերեսները ծածկվում էին կավե սվաղի հաստ և կոպիտ շերտով (№ 268 պատի սվաղի մեջ տեղավորված են կղմինդրի խոշոր բեկորներ և քառակուսի թրած աղյուսներ, որոնք սովորաբար օգտագործվում էին հատակը սալարկելու համար): Պատերի հաստությունը տատանվում է 0,6—0,9 մ: Մեծ քանակությամբ են օգտագործվում նախորդ՝ երրորդ շինարարական շրջանից պահպանված պատերը:

Ամփոփենք. Արտաշատում կիրառված շարվածքների զարգացումը դիտվում է շինարարական շրջանների ընթացքում (առաջին շրջանը բաղկացած է երկու փուլից): Ինչպես համազվեցինք, պատերի տիպերի առաջին հայացքից թվացող միապաղաղության տակ թաքնված են առանձին շինարարական շրջաններին բնորոշ շինարարական հնարքների տարբերություններն ու առանձնահատկությունները: Լուսամասերված բուրդ պատերը բաղկացած են քարե հիմքից կամ հիմնախարսից, հում աղյուսե կամ կավաշեն վերին մասից, սակայն չի բացառվում, որ կարող էին գոյություն ունենալ նաև քարե պատեր՝ կառույցների ամբողջ բարձրությամբ, քանի որ առաջին բլրի վրա պահպանվել են ճեղքված քարերից շարված պատեր՝ մինչև 2,60 մ բարձրությամբ:

Առաջին շինարարական շրջանին վերաբերող պատերի քարե շարվածքներն աչքի են ընկնում շինարարական աշխատանքների կատարման բարձր որակով, կոնստրուկտիվ համակարգի փրակնացման հետեղակա նությունը²¹, աշխատանքների բարեխիղճ կատարմամբ: Ինչպես հայտնի է, Արտաշատի հիմնադրումն ու կառուցումը Արտաշես I-ի կողմից անհրաժեշտություն էր՝ պայմանավորված քաղաքական և տնտեսական նպատակներով: Այն կառուցվեց միասնական հատակագծով, մեծ ուժերով և միջոցներով, սկզբնական շրջանում, բնականաբար, զբաղեցնում էր ոչ մեծ տարածություն (80—100 հեկտար):

Մ. թ. 58 թ. հռոմեական զորքերը Կորբուլոնի հրամանատարությամբ գրավեցին Արտաշատը և հիմնովին ավերեցին այն, իսկ մ. թ. 60—70 թթ. Արշակունիների տոհմի հիմնադիր Տրդատ I-ը

21 Պատերի մեծ հաստության պատճառներին մեկը կարող էր լինել երկրորդ հարկի առկայությունը, իսկ մյուսը՝ սենյակներում բավարար շերմային ռեժիմի ապահովելը:

վերականգնում է Արտաշատը, հարմարեցնելով ժամանակի նոր պահանջներին: Այս շինարարական շրջանին վերաբերող պատերը տեղադրված են նախորդ շրջանի պատերի հարթեցված և տուփանված փլվածքների վրա: Կատարված աշխատանքների ծավալն ու որակը խոսում են երկրի հզորության մասին, սակայն, անմշակ քարերի և անկանոն շարվածքների առկայությունը, կավաշեն պատերի օգտագործումը վկայում են ոչ միայն այս դարաշրջանում քաղաքի հսկայական չափերի (շուրջ 500—600 հեկտար), այլև երկրի արտաքին ու ներքին ծանր վիճակի, աշխատանքների շուտափույթ կատարման, հնուտ վարպետների պակասի մասին:

Մ. թ. 163 թ. հռոմեական զորքերը նորից դրավում են Արտաշատը և մասամբ ավերում այն: Երկրում 23 տարի իշխելու ընթացքում նրանք կատարեցին նաև մի շարք շինարարական և վերականգնման աշխատանքներ. այդ մասին են վկայում աղյուսների և կղմինդրների վրա պահպանված հռոմեական լեգեոնների կնիքները: Երրորդ շինարարական շրջանի պատերը տեղադրված են նախորդ շրջանի գոյություն ունեցող պատերի հիմքերի վրա: Շինարարական աշխատանքների որակն էլ ավելի է վատանում: Այդ ամենը ցույց է տալիս երկրի քաղաքական և տնտեսական ծանր վիճակը, որը Հռոմի հետ երկարատև պայքարի հետևանք էր:

Զորորդ շինարարական շրջանի պատերը կրում են վերջնական անկման բուրդ հետքերը՝ շինարարական աշխատանքների ցածր որակ, շարվածքների պարզունակություն, կավե սվաղների մեծ հաստություն: Կառուցապատման համար օգտագործվում է քաղաքի տարածքի շինյին մասը: Մովսես Խորենացին հաղորդում է, որ Խոսրով Կոտակ թագավորը արքունիքը տեղափոխում է Դվին (մ. թ. 332—338 թթ.), իսկ մ. թ. 360 թ. Շապուհ II թագավորը ներխուժում է Հայաստան և մյուս քաղաքների հետ մեկտեղ հիմնովին ավերում է նաև Արտաշատը:

Արտաշատում լայն տարածում են ունեցել բարձրորակ, սրբատաշ կրաքարի բլոկներով պատերը, որոնք բեկորները մեծ քանակությամբ հայտնաբերվել են պեղումների ժամանակ: Գրտնեղված առանձին կվադրերի վրա պահպանվել են «ծիծեռնակապուշ» և Մ-աձև ակոսներ մետաղական կապերի համար: Նման ակոսներ հայտնաբերվել են նաև Գառնիի և Արմավիրի պեղումների ընթացքում: Հայաստանում դրանք օգտագործվել են մինչև մ. թ. VII դ. (Ջվարթնոց)²²: Այս ամենը վկայում է անտիկ դարաշրջանի Հայաստանի շինարարական արվեստի բարձր մակարդակի մասին:

ԱՐՄԵՆ ՏՈՆԻԿՅԱՆ

22 Н. М. Токарев, *нзл. աշխ.*, էջ 172: